



Diario



pa Aruba



ANJA 22

DIARAZON 16 DI NOVEMBER 1960

Nr. 3891

## HUELGA POSPONE UN BIAHA MAS

# Posibilidad pa mediador trece partidonan serca otro



ORANJESTAD. — Di informacionnan cu nos a banja for di diferente fuente ta constata lo siguiente: despues cu e mediador di gobierno mr. Frank Hartong a tuma juramento for di man di gezaghebber di Aruba senior F.J.C. Beaulieu ayera mainta, parti nortia pa dos'or e tabatin un conferencia cu a dura setenta minuut cu representantenan di Lago, senjores Minus, Switzer y Friel. Segun nos a wordo informa e deliberacionnan a bai den un esfera completamente agradable y di buena voluntad. Sinembargo Lago ta banja cu e ta keda sujeto juridicamente y moralmente na e contract cu Lago Employees Council (L.E.C.)

E mediador di gobierno mr. F. Hartong despues dje conferencia apesar di tur cos tabata optimista. Como cu e representantenan di Petrolium Workers Federation of Aruba (P.W.F.A.) no kier a delibera cu e riba terreno di Lago y mr. Hartong cu tabatin inconveniente pa reuni den P.W.F.A. Club, despues di aprobacion di Gezaghebber nan a tene un reunion cu un delegacion di e federacion den sala di casamento di Bestuurskantoor na San Nicolas, cu a dura di cuat'or y mei di atardi te siet'or y mei di anochi. Despues tabatin un deliberacion tambe di mr. Hartong cu solamente senjores Flaun, Hernandez y Venio di federacion di Corsow (P.W.F.C.)

### HOMBER A HOGA NA ALTA VISTA

NOORD — Ayera mainta pa 8'or polisnan a piska den e laman entre Alta Vista y Wariroeri e restonan mortal di un persona hoga. Tabata e cadaver di sr. Cornelis Fabriciana Briesen di 62 anja, biba na Siribana 45.

### PATER LAMENS †

ORANJESTAD — Siman pasa pater Lamens, den compania di dokter Dunsenbroek a biaha pa Hulanda pa busca su salud, pero boluntad di Dios tabata

diferente. Ayera a alcanza nos e noticia cu den Canisius Ziekenhuis el a muri na edad di 50 anja.

Tabata algun luna pasa cu e difunto ta celebra su hubileo sacerdotal di plata. Durante e periodo corto cu el a traha na Aruba, el a hanjo hopi amigo cu ta lamenta tanto su morto.

Awe mainta siet'or tabatin un misa di Requiem na Playa na memoria di pater Lamens.

### LAGO TA CERA COMISSARY NA SEROE COLORADO

SEROE COLORADO — Den Pan-Aruba ta wordo informa, cu directiva di Lago a tuma e decision — en bista di cosonan di explotacion haltu — pa cera e commissary na Seroe Colorado. Probablemente esaki lo socede durante e prome lunanan di anja venidero. E negoshi lo bai over den man di otro hende, di manera cu e habitantenan di Seroe Colorado por sigui haci nan compras ey den mes. Sinembargo e habitantenan ta keda liber tambe pa cumpria den commissary na San Nicolas, cu ta keda den man di Lago.

## ELMAR a celebra su decimo aniversario

ORANJESTAD — Dialuna tabata exactamente diez anja pasa cu e N.V. Electriciteit-Maatschappij „Aruba“, a haci nos isla un regalo den forma di un holoshi moderno electrico, cual lo ser instala riba Wilhelminaplein na Oranjestad cu recientemente a wordo moderniza.

Com grandi ELMAR a crece den e diez anjanan aki e cifranan ta mustra claramente. Si na anja 1951 nan tabata produci y hende solamente 8 1/2 kilowatt-ora, na fin di 1955 e cifra aki ya a wordo redobla, mientras cu ta wordo spera cu e cifra aki na fin di 1960 lo ta di no menos cu 29.000 kilowatt-ora. Pa lora ta toca e red di alta tension di riba terra, na final di 1954 aunda nan tabatin cinco cuat'or poste, e cantidad, cu entretanto a aumenta te cu casi 500. E largura di e red aki a crece den e mesun periodo aki for di 2 km. te 34 km. E red di tension hau di terra a hanja un crecemento menos: na fin di 1954 algo mas cu 70 km. na fin di 1960 algo mas cu 80 km.

Pa reduci e energia electrica di e red di alta tension, mester di transformatornan.

Di esakinan tin actualmente 125 na Aruba (na 1951 ni sikiera 50). E red di tension abau ta colga over di casi 4000 poste (na 1951: 2200), cu un distancia di 195 km. (88 km. na 1951).

Pa lora ta toca e luznan di caja, esaki actualmente ta wordo existi door di mas di 1400 cantidadnan di luz cu un capacidad di mas di 150 Kw. ora (na 1951 resp. 550 y 150 Kw.).

En conexion cu esaki nos no por laga di observa, cu e iluminacion tin actualmente di vliegvelde te Basi Rutu cantu dje boulevard, ta wordo

Com e parti atras di autobus A-3963 maneha pa P.C. a keda despues di un choque (fls. 4000,— danjo) entre tres autonan na altura di Brazil.

SOFTBALL MENS LEAGUE SOFTBALL

**ARUBA SOFTBALL BOND**

ta presenta

den

**WILHELMINA STADION**

Awenochi, 16 di november pa 7.30 p.m.

**EAGLE BOYS vs. BESTUURSKANTOOR**

Entrada: f0.50 hende grandi - f0.25 mucha



Un toast na e prosperidad di „Hollandse Banketbakkerij“ a wordo duna ayera door di (p.d.r.) sr. Haarsveld, sra. Rosa Maria Lacle-Haakmeester y sr. Haakmeester Mas adianta e chikitanan Joannes y Stanislava Haakmeester.

## Hollandse Banketbakkerij a habri filiaal na O'stad

ORANJESTAD — „Productonan traha pa panaderonan Arubano pa e pueblo Arubano“, ta e lema di e filiaal nobo di Hollandse Banketbakkerij cu ayera tardi a habri e portanan di su edificio, cu un interior moderno y bello, den caja grandi na Oranjestad.

Den e edificio na unda tabata antes „Uchee's Place“ senjor Herman Haakmeester hunto cu su socio sr. P. Haarsveld a jena e vitrinanan cu tur clase di cosnan dushi. Koki, bolo y dushinan den tur color y den e formanan di lo mas increible nan ta fabrica na e Hollandse Banketbakkerij. Ta pesey tambe no a falta ayera tardi e atencion debida na tal apertura, na unda no solamente e hishintenan per a saborea e productonan propio pero a brinda tambe cu champagne riba prosperidad di e negoshi.

E di tres Senjor Haakmeester, kende ta hanja un ajudo grandi den su senjora Rosa Maria Haakmeester-Lacle, ta considera e filiaal nobo aki como un tesoro, cu a nace despues di varios difficultadnan.

Principalmente pa motibo cu e portanan a habri nel den tempnan di San Nicolas y Pascu, pa cual dos ocasionnan a por duna un servicio unico na Oranjestad (y naturalmente mucha muher lo wordo prepara debidamente pa hende den e filiaal aki, ya cu e negoshinan na Oranjestad ta existi hopi di e damanan. Sr. Haakmeester, kende segun cu e ta contando tin man jen firmando telegramnan di felicitacion mei-mei di hoeketan di flor, tin un esmeranza fiho den progreso di e negoshi. E ta depende hopi riba e tres hobennan Arubano cu e mes a prepara pa panadero



### Desorden na porta di Lago

SAN NICOLAS. — Dialuna anochi pa diezun'or y mei polisnan na San Nicolas a trece na warda cinco mucha homber cu na porta nr. 6 di Lago a benia algun chofer di auto cu piedra. E muchanan aki, D.J., V. C., E.C., A.R. y F.L., nan edad ya varia entre 15 pa 17 anja.

**FATUM — Tel.: 1°45**  
Pa tur bo aseguronan

Nan no por a confirma nos cu esaki talvez tabatin algo di haci cu e tension di e „Huelga“ cu tabata reina e anochi ey.

## Holoshi moderno ELMAR a regala ARUBA

ORANJESTAD — Na ocasion di su decimo aniversario, N.V. Electriciteit-Maatschappij „Aruba“, a haci nos isla un regalo den forma di un holoshi moderno electrico, cual lo ser instala riba Wilhelminaplein na Oranjestad cu recientemente a wordo moderniza.

E tempo di entrega di industria Europeo cu continuamente ta bira mas largo, ta causa cu e holoshi no a yega Aruba na tempo, pa a wordo entregado riba e fecha di hubileo, esta ayera, manera tabata e intension originalmente.

Sinembargo ayera mainta nan a haci un entrego simbolico di e regalo, ora cu director di ELMAR, jr. F. Boot a ofrece pa senjor F.J.C. Beaulieu, gezaghebber di Aruba, den presencia di diputadonan I. de Cuba y F. Wernet y e eilandsecretaris L.C. M. Kerstens, un schets cu ta mustra na unda e holoshi lo wordo instala riba e plonchi.

Durante cu nan tabata modernizando e plonchi, nan a tene cuenta caba cu instalacion dje holoshi, di manera cu asina e yega nan por instalá mesora na su lugar.

Gezaghebber, na nomber di e teritorio insular, a acepta e regalo aki cu gratitud.

## DON'T MISS

the

# FIESTA ROTARIA

at

**SOCIEDAD BOLIVARIANA**

SATURDAY NOV. 19th. 7.30 P.M.  
for an evening of fun.

A musical show - dancing - good food  
Games of chance.

ADMISSION FL. 2.50 P. PERSON



## SMOKE CAMEL!







# BAAS TOMMY

## y su amigonan di Arubaanse Courant

THERE IS STILL TIME  
TO JOIN THIS CLASS

ATTEND A FREE  
DEMONSTRATION

without any obligation  
of the world famous

### DALE CARNEGIE COURSE

For Ladies and  
Gentlemen

10 Ways in which this training will help you:

- \* SPEAK EFFECTIVELY
- \* DEVELOP CONFIDENCE
- \* CONTROL WORRIES
- \* REMEMBER NAMES
- \* THINK ON YOUR FEET
- \* DEVELOP HIDDEN ABILITIES
- \* WIN MORE FRIENDS
- \* IMPROVE MEMORY
- \* PREPARE FOR LEADERSHIP
- \* GET OUT OF A RUT

Dale Carnegie Courses, presented by George Hatley



CULTUR CENTRUM  
TONIGHT  
NOV: 16TH  
8:00 PM

NOW

Serving Aruba, every week  
World's most modern passenger ships



The new „SANTA PAULA“ and „SANTA ROSA“ of Grace Line are bringing buying-power to Aruba.

Keep them here Ship and travel via GRACE.

Agents:

EMAN TRADING CO. INC.

TEL: 1156 - 1554 - 5054 - 5055.

## E caha cu a lamta Pandora su curiosidad

Epimetheus a caba di hunga na caja cu su amigonan. El a gaz y pasa masha pret den e weganan den aire libre, pero porfin manera na tur cos ta bini un fin, asina tambe na tur diercion, pasobra el a cansa di hunga y a regresa pa cas. Ora cu e tabata hacienda esaki un figura a bin camina contre, un persona cu e no tabata conoce antes. Casualmente e tempo ei tabatin solamente homberan riba mundo y awor el a hanje cu un criatura tierna su dilanti y esei tabata loque nos ta jama un mucha muhe.

„Ta quende bo ta?“ Epimetheus a punta admira.

„Mi nomber ta Pandora“, el a responde. „E diosnan cu ta biba riba Olympus, a manda mi cerca bo. Mi por sigui biba den bo cas?“

„Oh, si“, Epimetheus a responde. „Bo ta parece mi un persona carinioso y sin duda lo bo trece hopi felicidad den mi cas. Drenta!“

Foi dje dia ei Epimetheus tabata den un compania mas dibertido cu antes. E cu Pandora tabata haci pasconan grandi nan tabata scucha canto di pajaronan. Nan tabata piki flornan y nan tabata vlecht kransnan di flor huntu. Nan tabata piki frutanan di campo, manera beshi, figo, shimarucu y druifi y otro frutanan.

Oh, nan tabata hiba un bida deliciosa.

Mientras nan tabata balia contento un dia riba campo di yerba, nan a mira un stranjero ta bini. E tabata parece cansa di camina y su panja y su pia tabata tur na stof y bo por a mira cla cu e tabata cansa tambe.

E esey no tabata nada stranjo, pasobra e tabatin asina un caha grandi riba su skouder.

Ora cu el a acerca Epimetheus y Pandora el a suspirar:

„Ta quico lo por tin den e

caha ei?“ e mucha muhe a puntra.

„Ta com mi por sa esei?“

„Puntre por favor.“

Epimetheus no por a nenga Pandora nada.

El a camina bai cerca Mercurius — pasobra ta mensahero di diosnan e tabatin su dilanti — y el a puntre:

„Stranhero, bo por bisa mi ta quico bo tin den e caha grandi aqui?“

Mercurius a sonrei y a responde:

„Pacenshi, pacenshi! Un dia lo mi larga bo mira esei. Pero awor mi ta mucho cansa. Bo ta permiti mi pone mi carga abao den bo habitacion? Despues lo mi bin buske. Warda pa mi.“

„Cu mucho gusto lo mi quier haci esei“, Epimetheus a bisa carinioso.

Un ratu despues e caha grandi tabata para den huki di su cas y e stranjero a disparee.

Y hunto cune a disparee algo mas... sosiego di Pandora.

Apenas e stranjero a bai cu e muhe no por a wanta mas y el a bisa Epimetheus:

„Awor nos ta bai mira ta quico tin den e caha.“

„Esei lo nos no haci“, e homber a responde. „E stranjero ta convenci cu aqui su caha ta bon warda y salvo. Y nos no por abusa di su confianza unicamente pa bo capricho.“

Anto Pandora a responde: „Pero mi ti nasina deseo di

mira quico tin den dje“, Pandora a grita. „Ta mescos cu mi ta sinti un hende ta obliga mi lur den dje. Por favor. Larga nos los e hila rond di dje.“

Sin embargo Epimetheus a nenga sagudiendo cabez

„E ora ei Pandora a cuminsa ta kick, zundra y bira fastioso manera tur otro muherman sa haci...“

„Tende Pandora, larga nos bam afo y hunga cu nos amigonan; esei lo ta mehor cu haci co'i triminti“, y unbez el a sali bai afo.

„Pero Pandora no a bai cune.“

Ora cu e mucha muhe a queda solitario cu e caha, e tabata ripara esaki tur banda. E tabata traha di un palu masha fini y riba e tapadera tabatin un cabez di muhe graba cu tabata hari carinioso.

Anto e mucha muhe curioso a bisa den su mes:

„Mira, ta manera e cabez aqui ta duna mi su aprobacion na mi por abri e caha aqui unbez.“

El a mira e cabuya di oro cu tabata marra rond di e caha y e tabata ripara e konoppi rond di cual e cabuya tabata marra.

Esaki tabata un konoppi poco stranjo!

Lo e cabuya aqui por los? Pandora a cuminsa awor ta tornu y ta hala n'e cabuya. Pero ora cu e tabata haciendo esaki el a tende un stem suave, cu tabata grita cu un quehido:

„Querido Pandora, nos ta asina cerra aqui den. Yuda nos por favor nos t'asina cerra aqui. Nos ta suplica bo na auxilia nos!“

Awor su curazon a cuminsa ta palpita cu rigurosidad.

E caso tabata bira mas y mas misterioso; e stranjero .... e cara hariendo .... e

konoppi admirable .... y awor e stem fini....

L'e abri e caha? Lo e haci numa?

Atrobe el a ranca e konoppi y mira.... Pronto e tabatin e dos puntanan dje cabuya bunita di oro den su mannan.

E ora ei el a tende pasonan. Esaquinan tabata di Epimetheus. Lihe, lihe.... bin mira un ratu!

Y precisamente ora cu su amigu a abri e porta y a drenata, e muhe a hiza e tapadera y....

Diripiente a bira seur y a resona un explosion espantoso di boz. Un enorme cantidad di figuranan cu alanan a sali ta bula foi e tapadera pasa kantu dje mucha muhe su cabez. Figuranan chiquito cu stekel na nan rabu. Unbez nan a cuminsa ta ataca Epimetheus y e homber aqui cu nunca no tabata conoce ta quico ta dolor ta cuminsa ta grita.

Di spantu Pandora a dal e tapadera cerra trobe. E ora ei e insectonan cu ala bruin a bula y hinka e mucha muhe asina terrible riba su cara, cu gritando e tabata jora manera hende loco di dolor y e mucha muhe tabata corre den cas di un skina n aotro.

Ta qui sorto di monstruonan chiquito esaquinan tabata?

„Wel, preocupacion, enfermedad y cosnan di verdriet! Tur sorto di cosnan cu antes no tabata existi e diosnan a pak den un caha y a manda pa hendenan.“

P'esei Pandora a ser manda dilanti: e mester a abri e caha, pa e calamidadnan eiden plama nan mes na tur camina riba mundo.

E diosnan por a bien manda algu mehor!

Awor Epimetheus y Pandora a bi nhanja kestion cu otro. Y antes esaki no tabata existi. Nan tur dos tabata sinti masha dolor, pasobra e insectonan a pica nan tur camina di

nan curpa cu marcanan a queda riba nan cara.

Awor nan a tende nan ta klop parti p'aden riba caha.

„Ta quico esaki por ta?“ Pandora a informa awor trobe curioso.

Pero Epimetheus no a responde, pasobra e tabata masha rabia.

Y un stem carinioso a suplica:

„Hiza e tapadera numa“, un stem carinioso ta grita. „Lo mi yuda bo awor cu bo ta den compromiso.“

„No abrie“, Epimetheus a grita. „A pasa basta malora aqui den caha. Mehor nunca mi no a hanja un companjera.“

„Por favor, abrie numa“, a resona numa foi den e caha. „Mi no tin stekel y mi no ta mal alma. Mi ta enteramente distinto cu tur e otro nan.“

„Oh, qui un stem amable“, Pandora a bisa. „Mi ta hiza e tapadera. Mi haci?“

„Haci loque bo ta dese“, Epimetheus a murmurar. „Pa mi parti bini un enfermedad masha cerca n' ta importa mi, pasobra ya nos ta contagia caba.“

Pandora a hiza e tapadera di nobo.

A sali un figura chiquito bai laria cu ala blancu y lombrante.

El a bula bai cerca Pandora y Epimetheus y a toca e lugaran herida riba nan cara y unbez tur e dolornan a disparee. „Ma ta quende bo ta anto?“ e dos hendenan a puntre.

„Mi ta Speranza“, e stem fini a canta. „E diosnan a hantia cu tabata poco di mas cu nan mester a duna tur preocupacion, enfermedad y verdriet na hendenan ta pesen nan a cerra mi tambe den e caha. Mi mester suavisar tur verdriet cu e mal almanan di un ratu pasa lo causa na bo y na otro nan.“

Boso mi a yuda y awor mi ta bai sigui bai cumpli cu mi deber.“

„Bo ta bai bandona nos, amable Speranza?“ Pandora a grita ansioso.

„Si y toch no. Ora cu bo tin preocupacion, lo mi ta continuamente cerca bo, cada ora di dia, cada minuut largu di un anochi sin sonjo, onfia numa semper riba mi.“

Despues Speranza a bula bai den mundo enter cu tabatin asina tantu cu mester di su alivio.

— FIN —

Sinds 1925 doet SINTERKLAAS zijn inkopen bij

# NEME

OOK dit jaar biedt Neme een grote collectie  
geschenkartikelen:

TOASTER  
STRIJKIJZER  
DRINKMIXER  
COFFEE MAKER  
LIGSTOELEN  
BIJZETAFELTJES  
SCHERMELAMPEN  
MIXERS  
LIGSTOELEN  
HAMPERS  
FAN  
FOTOTOESTELLEN  
FILMTOESTELLEN

BATHROOMCABINETS  
GASSTOVE  
TAPJUTEN  
LISKASTEN  
TV SETS  
RADIO'S  
ZITKAMERSET  
EETKAMERSET  
SLAAPKAMERSET  
LINOLEUM  
STRIJKPLANKEN  
KINDERSTOEL, BED EN BOX  
SLIDE PROJECTORS  
FILMPROJECTORS



Sinterklaas koopt bij

# NEME

omdat Neme kwaliteitsartikelen (Westinghouse, Grundig, Kodak, Firestone, Slumberland etc.) levert, tegen LAGE PRIJZEN en gemakkelijke betalingsvoorwaarden.

Bezoekt NEME vandaag zonder enige verplichting.



ARUBA TRADING CO.

ta ofrece  
TELEVISOR MARCA  
**EMERSON**  
y  
TELEVISOR MARCA  
**DUMONT**

MODELOS 1961  
PRIJSNAN ABAO —  
FACILIDAD DI PAGO!

JAMA

Aruba Trading Company

TEL. 1930

HBU HBU

Ook voor u:  
de HBU

HOLLANDSCHE BANK-UNIE N.V.

WILLEMSTAD - TELEFOON 11348  
ORANJESTAD - TELEFOON 1108  
SAN NICOLAS - TELEFOON 5048



# Jantzen show di Prinses Wilhelmina Fonds 2 Dec.

ORANJESTAD. — Mannequinsun bunita den diferente clase di trahenan di banjo desfilando na campeon di musica suave pa medio di disco y baw di lumbacion di luznan di tur color lo forma e parti principal di e grandioso show cu Prinses Wilhelmina Fonds (e organizacion pa combati cancer) lo celebra dia 2 di december vendidero

Aruba Trading Company mesocos cu varios otro, casnan comercial lo entrega e trahenan pa e show cu lo hanja e caracter di un "Bathing-Suit Show" rond di e piscina di Aruba Caribbean Hotel. Pa variacion di e programa lo tin tambe e anochi aki un "watershow", mientras cu doorprizesnan lo ta na granel.

Prinses Wilhelmina Fonds, inspira pa su presidenta sra. Irma Beajon Brouwer y e resto di directiva, ta bon conosci pa su coleccionan anual riba Anja di La Reina. Produccion di di-

rente estilo 1961 di trahenan di banjo "Jantzen", di cual Aruba Trading Co. ta sub-agente y e firma E. Moreno Brandao & Sons na Corsow ta agente pa Antillas.

Lo ta pa prome biaha na Aruba cu A.T.C. lo sponsor un tal show. Sra. Pamela Schlegler ta e persona encargada pa instrui e mannequinnan y ya for di awor cuba nan ta hanjando tur clase di cooperacion for di Aruba Caribbean Hotel na momentonan di ensayo. Durante di e show aki tin diferente otro firmas (cual nombernan nos lo menciona despues) cu lo percura pa resto di e articulon cu ta pas cerca un traha di banjo. Tambe e compania Lugo lo duna su apoyo. Y ora cu dia 2 di december vendidero e bombini ser duna na tur e prescitanan rond di e swimming-pool, unto lo ta sr. Charles Morales lo haci esaki como maestro di ceremonia.

### Variacion

E organizadoman a percura tambe pa e asistencia di e anochi cu lo hanja e mesun cos pa mira tur ora. Pesey nan a agrega den e programa un "watershow" (un show den e piscina di hotel), baw direccion di sr. Peter van Mourik, e swimming-pool manager na Hotel.

Un cantidad grandi di "doorprizes" obsequia pa diferente casnan comercial na e isla, lo wordo rifa e anochi aki. E interes cu ta reina pa e show aki (asina grandi cu ya tin entendi cu na Corsow tin un grupo ta preparando pa ta presente dia 2.

### Kaarchi na venta

For di awor eba kaarchinan ta na venta den diferente casnan comercial y cerca algun familia. Por hanjama na Aruba Trading Co. na Oranjestad y San Nicolas, n tur e tiendanan di De Wit, Spritzer & Fuhrmann, Suriname Club, Aruba Caribbean Hotel, cerca e senjoranan J. Bijl, L. van Romondt, Eskildsen, Goebertus, Maas y cerca e senjoranan Harry Smith (Lago), Andy Kelly y Charles Morales.

Mirando graficanan di un show similar teni na Corsow algun tempo pasa, no ta keda duda cu esun aki na Aruba proximo luna lo ta mescos o talvez lo ser, mihor ainda. Y no mester lubida cu e produccion di tal show ta bai pa su henter na un causa noble pa nos comunidad: E Prinses Wilhelmina Kinder Fonds.

### Problema di e rebeldenan Baloeba

ELISABETHSTAD. 15 november. — E problema di e rebeldenan Baloeba cu desicinu dia pasa a pidi proteccion cerca soldadnan di Maruecos di Nacionnan Uni, na Kolwezi a wordo resolve. Casi dos mil Baloeba di e distrito minero importante aki, cu ta situa na un distancia di 400 kilometer noord west di Elisabethstad, a buska moda di scapa nan curpa na Kolwezi, despues cu desicinu dia pasa a cuminsa bringamentunan entre diferente tribu na Katanga, durante cualnan cinco africano a muri, y diesun a wordo herida.

Ayera e trupanen di Maruecos a termina cu evacuacion di e fugitivonan.



SUNAIID tambe pa jam, gilea y juice

## Cumpleanjos



E hobencito Eric Steenen ta cumpli 4 anja y ta ricibi felicitacion di su mama Felicit Steenen, tanta Lucianita Steenen, prima y primonan, uny especial di su prima Zeld Steenen.

E hobencito Efrain Antonio Nicolaas ta cumpli 4 anja y ta ricibi felicitacion di su tata Willem, mama Nicolina, rumannan Robert Nicolaas, wela-nan Siebanita, Maria, wela-nan Placido, Victor, tantanan Irma, Ina, Trina Geerman, ononan Ricardo, Ramiro, Edwin, primanan Ludwina y Marianna, Carmen Geerman, madrina Adriana Maduro, padrino Juchi Martis.

E hoben Willem Stede ta cumpli 12 anja y ta ricibi felicitacion di su majornan, rumannan, especialmente di Mario.

Ta celebra su feliz cumpleanjos Eugenio, Leopoldo Werner y ta ricibi felicitacion di su tata Beto, mama Ennie, rumannan Lolita, Rafael, Stella, Angela y Alex, tarta y omoron, prima y primonan tur su omigonan di ade klas di St. Agustinus College y demas familia Wertet.

E hobencito Rudy Pers, kende ta celebra su cumpleanjos y ta ricibi felicitacion di su tata Jose, mama Catrinen, rumannan Lilia, Eli, wela Maria, tantanan Rosa, Francisca, Helena

omo Ben, primonan Juan, Eric, Roque prima Carmen, tur su amigonan di eerste klas na Noord.

Sr. Luis B. Olive y sra. Senovia Olive ta cumpli 27 anja di feliz bida matrimonial y nan ta ricibi felicitacion di nan junan Herbert, Henry, Mirna, Violet, Nelson, Magda, Elaine, Irene, Franklyn y Roy, di Ethelina y Jan Lucie Gwendeline y Crescencio Florentina na Corsow, tambe di Annie y Marie Rines, nietanan Carleen Lacie, Irine, Iris y Marlen Florentina na Corsow y nietonan Harold y Markel Ranesa di familia Lacie, Tromp, Laronde y Florentia di Anthony Olive.

### DE WEEFSTOEL

tin tur calidad di adorno pa bida

E hobencita Filomena Faries ta celebra su feliz cumpleanjos y ta ricibi felicitacion di su tata Modesto, mama Andrea, rumannan Betty, Maria Frans, Silvio, Ro, Modesto Jr, Lucia Marcolino, tambe di su wela y wela-nan, tanta y omigonan y demas familia.

### Amenaza di departamentu di defensa Mericano

WASHINGTON. 15 november. — Departamentu di defensa mericano a menasa cu nan lo bolbe importa servicio militar obligatorio pa mediconan si nan no anuncia nan mes voluntariamente.

For di 1957 doctornan no tin obligacion mas pa drenta servicio militar, pero departamentu di defensa a anuncia cu di 4.500 internonan den e hospitalnan pa corda nan na e acuerdo amistoso cu ta existi entre estado y e doctornan. Si no bini bastante dokter, nan lo yama 650 dokter hoben, pa servicio militar obligatorio, den primavera.

### Resultadonan electoral na Chicago

CHICAGO. 15 november. — Segun e resultadonan electoral no-oficial di estado mericano Illinois, Kennedy a hanja 6.397 voto mas cu Nixon na e estado ey. Kennedy a hanja 2.375.245 voto y Nixon a hanja 2.368.848.

Ainda e contentu di voto no a caba na California.

Illinois tin 27 voto electoral.

### TA BENDE

1 cashi pa pafia cu spiel  
1 toltet cu baid  
1 cana di 2 persona  
compt. cu matras

BOSSE  
Beatriksstraat 26  
Oranjestad.

### DI VENTA

1 SET DI COMEDOR  
1 SET DI SALA  
1 CASHI PA CUSHINA  
VARIOS HAMPI

Pa informacion:  
JAMA TEL. 1446  
na Dominicansenstraat 17

## Agenda

### ARUBAANSE COURANT

diarazon cu excepcion di diadomingo

Edita pa  
N.V. ARUBAANSE DRUKKERIJ, B.V.  
Uitgever: B.N. PUBLICITEITS BUREAU  
Houttuur 45 - Oranjestad, Aruba N.A.

"Suscripcion 75.- pago adelanta"  
Edicion suelta 20 ct.

Telefon:  
1116 Directiva y anuncio  
2116 Redaccion y suscripcion  
Directeur-Hoofredacteur: D. Wolff  
Impresor: N.V. Drukkerij "De Sif"

Edicion suelta "obtenible" na 20 cent na:  
Union Store, San Nicolas - Boekhandel  
Mariska, Oranjestad y Cabana Shop,  
Aruba Caribbean Hotel.

### BOTICANAN DI WARD

Oranjestad: BOTICA ARUBA 1080  
San Nicolas: BOTICA SAN LUCAS, tel. 5111

### WIT-GELE KRUIS

Zr. Ewald - Zr. Perlela tel. 2206

### POSTSLUITINGEN Woensdag

Barranquilla 15.30, Bogota 8.30, Caracas 8.30 y 16.00, EUROPA 8.30 y 15.30, Miami 8.30, New York 8.30, Panama 13.30, Caracas 13.30, Bonaire 8.30.

### RADIO KELKBOOM

Diaazon 16 di november

11.30 Rayto di Solo (Pastor Burgemeester)  
11.45 Varia  
12.00 Luachmuziek  
12.10 Noticia local y dep.  
12.20 Musica Hulandes  
12.30 Noticia na hulanen  
12.45 Norte Americana  
12.55 Nieuw berichten  
1.00 Musica Varia  
1.30 Sluiting  
4.00 Rancheras  
4.30 Noticia na Pap, Gokaal-polla y dep.  
4.45 Cocktail musical  
5.00 Danones Cubanoe  
5.15 Musica varia  
5.30 Calypso  
6.15 Cumple años fells  
6.30 Dinermuziek  
6.45 Saludos for di Hulande  
7.00 Noticia na Pap  
7.15 Musica Varia  
7.30 Musica Hulandes  
7.45 Nieuwsberichten  
8.00 Norte Americana  
8.15 Lachrimas de una madre  
8.30 Nestor Zavarce  
9.00 Pelicolas  
9.30 Trio los Paraguayos  
9.45 Sonora di Luchu Masedo  
10.00 Sluiting.

### RADIO VICTORIA

Diaazon 16 di november

11.00 Apertura  
11.15 E Mundo Femenino  
11.30 Melodias di Merdia  
12.00 Ultimas Noticias  
12.15 Musica Sagra  
12.30 World Nawa  
12.45 Organ Memories  
1.00 Radio Concert Hall  
2.00 The Reading Room  
2.15 Sacred Songs  
2.30 The Quiet Hour  
2.45 Enanos Musicale  
3.15 Cafe con Musica  
3.30 Ecos del Cielo  
4.00 Musica di Banan  
4.15 Ecoman Celestial  
4.30 E hora Aventurosa  
4.45 Waltman Favorito  
5.00 La hora Nazarena  
5.15 Palasana di Bida  
5.30 Interludio Musical  
5.45 Timoncio  
6.00 Ultimas Noticias  
6.15 Bo pregunta Contesta  
6.30 Noticia Hulandes  
6.40 Musica Clasica  
7.15 The Bandstand  
7.30 Cavalcade of America  
8.00 World News  
8.10 Off the Record  
8.30 Back to the Bible  
9.00 Musical Gems  
9.30 Light and Life Hour  
10.00 World News  
10.15 Humans that Live  
10.30 Sign Off

### RADIO CARACAS TELEVISION

Miercoles 16 da noviembre

8.25 Patron de Radio Caracas Television  
8.27 Informacion sobre los progr. del dia  
8.30 Pelicula  
9.30 El Arbolito  
10.00 El Calendario de mama  
10.30 Cosas de Mujeres  
11.30 La Perfecta Ama de Casa  
12.00 La C.V.I.R.T.V. Informa a la Nacion  
12.05 El gran show de las Doce  
1.15 Historia de amor  
1.35 El Imparcial Television  
2.00 Punto y Aparte  
2.30 Club Femenino  
3.00 Estudio de Hector Monteverde

3.30 Telefortuna  
4.30 Club de los Ninos  
5.30 Documental  
6.30 Cine variedades "Yukery"  
7.00 Julian Pacheco  
7.07 Cortes Cinematograficos  
7.15 La novela de las 7.15  
7.30 Papa lo sabe Todo  
8.00 El Observador Creole  
8.15 La novela Palmolive  
8.30 Estampas Criollas  
9.00 Novela Camay  
9.15 Anador Bendayan en T.V.  
9.30 Cantantes  
10.00 Que le parece compadre...?  
10.10 Noche de Gala  
11.00 Cine programa  
12.30 Marcha Oficial, Himno Nacional  
Despedida

Tel. 1637 Rondweg 49  
**Bloemenhuis ROZENoord**  
na  
**PIESTA DI JUBILEO**  
Laga un experto haci bo trabou

**CEMPRO N.V.**  
Wayacka - tel. 2444  
PA TUR BLOKKI Y CABAJETA  
HERCULES CEMENT

**NOW... all the paint colors your heart desires**

**SHERWIN-WILLIAMS**  
**COLOR MEER**  
IT'S TRULY MAGIC!

Ask for information  
**ARUBA TRADING CO.**  
TEL. 1930

**AUSTIN se7en**  
10 FEET LONG, PARKS  
IN 11'-FOOT GAPS  
**incredible!**  
MEET IT AT  
**WARENHUIS v.d. REE**  
**LA VICTORIA**  
Distributors

**AIRCO AIRCO**  
**AIREACONDICIONADOR**  
**OPORTUNIDAD UNICO**  
Oferta especial te cu fin di november.  
**EMERSON - 1 H.P. - 10.000 B.T.U.**  
SOLAMENTE FL. 400.- CASH!!

No vacila, telefona awor mes  
**ARUBA TRADING CO.**  
TEL. 1930

**GRATITUD**

Pa medio di esaki nos ta expresa nos mas sincera gratitud na tur esnan, cu di un manera of otro a demostra nan atencion na ora di morto di nos muy querido esposo, cumun, tata, suegro y welo, na bida jama

**LUDOVICO LEODOGARIO QUANDUS**

Na nomber di tur familia: Angelica, Celestino y familia, Francisco, Teresita y familia, Editha, Alejandrina y familia, Pascual, Juliana, Tomas, Paulita y Emilia Quandus.

**Si bo falta vitamina, tuma**  
**OVALTINE**

**AMSTEL BEER**

**AMSTEL ANTILLANO**  
semper FRESCO  
semper SABROSO  
y... HOPI MAS BARATA

**Solamente**  
**Fls. 8.75 pa caha**

**AMSTEL BIER**

**AMSTEL ANTILLANO SEMPER OBTENIBLE NA BO TIENDA PIDI AWE MES.**

**Un Solicitud Matrimonial**  
pa: Tuyuchi

No. 54

...cual el a suplije di no naci su mes asina ridiculo. Y manera un bon hualdo di redu. Ringwood a muestra contenido di carta na Fakenham y a bise acerca cu neské quico pasa. George no tabatin atencion di mata Sherry.

Entretanto Sherry a pasa un maina-masha fastioso e dia ei cerca notario. El a traha su testament y esaki tabata un momento triste den su bida, pasobra tabata bispa di su morto. E tabata asina triste cu el a rechaza un convenio cu sir Montagu. E tabata prepara pa muri y el a pensa na queda cas tranqui maske ta riba e ultimo anochi ei. Ma el a pensa cu si e haci esei lo nan bisa cu

ta nervioso e ta cu motibu dje desafio. Ta pesey ei a dieidi di bai cine no tabata na altura dje hecho cu e ta bai desafia su siguiente maina na Westbourn Green. E tabata considera di ser huicioso y prepara e muhe poco poco riba loque cu lo por pasa majan. Talvez por ta pa di ultimo bez cu nan ta mira otro, awe. Ningun hende no por sa. Y na boz emocionante el a cuminsa ora cu nan a yega cas y e tabata para dilanti cuarto di Hero:

"Tende Hero. No ta bai soede nada, pero semper hende mester ta prepara pa tur eventualidadnan. Si acaso mester soede algu cu mi, lo mi quier bisa bo toeh cu m'a percura tur cos pa bo. Y naturalmente sin ningun sorto di condicion particular, de la manera cu si mi muri bo por casa qui ora cu bo ta desca trobe".

"Esei lo mi no haci hamas, pasobra un homber masha bon hama lo mi fianja na mundo", el a bisa primiendo Sherry su man duru.

"Mi n'a mi mira paquico lo bo larga di haci esei. Bo ta hoben ainda, masha hoben mes y cu bo hanja un homber formal y serio cu por cuida bo y stima bo, lo mi queda masha contento, pero no uno manera George. E no ta pas pa bo, pasobra nunca di su hida mas e no ta bira un homber formal".

"Por favor, Sherry, no papia asina. Nada lo no pasa cu bo. Hamas den mi bida mi por a pensa riba otro homber, pero bo sol cu a salba mi foi esclavitud mi fahianan na cas. Acaso m'a duna bo denashi algun di sospecho? Acaso bo ta quere anto cu lo no ta traba bo cu fieldad of cu mi por tin un

of otro asunto na secreto cu George? Mi no quier pensa riba casamentu cu ningun hende, pasobra nada lo no por pasa bo. Ta warda b'a sali cu e pensamiento sombrio ei?"

"Talvez no. Tampoco mi ta sospecha bo di infidelidad. Pero mundo ta malu y abo ta inocente. Y tin lobonan ta camina bao di cuero di carne. Mi no quier mira bo sinta muri di verdriet tampoco pa mi desapariacion".

"Stop di cuminsa cu e combersacionnan fastioso ei net awor cu mi ta bai drumi. Mi ta pidi Dios tur dia pa nada no pasa bo. Y mi tin conviccion tambe den esei. Pues no papia semehante cosnan fastioso asina anfo".

"Bueno. Lo mi no haci esei mas. Pero ta parce mi cu b'a goza e pelicula di awe un mundo. Hero?" Sherry a bise.

"Como no. E tabata masha bon".

"Mi ta contento cu b'a pasa un ratu agradable", Sherry a responde, el a yama su casa honochi y a sigui pa su mes cuarto.

x x x

Su maneco marduga masha tempran ya Ferd y b'a buske. Sherry

tabata ola caba y aunque cu su cara tabata mas serio cu di costumbr, e tabata den bon b'is y visiblemente e tabata trata na domina su nerviosidad.

El a bula den shers banda di Ferd y a punte:

"Bo tin e pistoinnan?"

"Gil tin nan", Ferd y a responde.

"Nos a huzga mehor tambe di busca un dokter. Bo n' por sa nunca. Aunque cu nos ta spera cu lo no tin mester".

"En realidad ho n' por sa esei nunca", Sherry a bisa. Mist a cuminsa ta dispare bunita, parce. Ta manera e dia di awe ta masha bon esochi pa vechante cos".

Ora cu nan a yega na e luga conduci ya George cu mr. Ringwood tabata para aya cla caba ta spera. Cu un inclinacion segun formalidad, ambos adversario a saluda otro, despues di cual e secundantnan a inspecciona e armanan y tabata consalta na boz baho cu otro.

"Lo e no tira di herde m'es riha Sherry?" Ferd y a punte.

"Asina mi tambe a pensa. Stranjo,

na dispar a bora un troneon di palu un meter mas leu cu su adversario. Furioso el a pone su pistol abao y a grita:

"Caramba, George, ho n' por stop di ser tanto generoso?"

"Misericordia Sherry", George a bisa. "Toeh mi la quere cu bo a hanja ocasion di tira mehor". Y cu adversion el a queda ta mira e buracu den e tronco.

"Mehor?" M'a mik preeis riba e punto ei". Sherry a responde razu.

"Ta cual di nos ta generoso awor?" George a puntra mientras el a bai cerca Ringwood y a entreg'e e pistol.

"Sigu ho mester a entrena. Por favor, Gil".

Mr. Ringwood tabata sintje asina alivia cu e no por a expresa ni un pia di palabla. El a tuma e pistol di Sherry tambe y a warda na den nan estuche y e ex-adversarioman a queda ta mira otro investigante.

"Bo sa quico mi ta gana di haci? Sherry a bisa. "Quita buchi y cuminsa bati bo cu moketa. T'asina mi mester a haci".

(E ta sigui)



# CISCO KID

1. „Si mi tabatin un revolver, lo mi a tira riba e slot di porta.“ „Si.“ 2. „Paki-kos nos a laga nan kita nos armanan?“ „Nos no tabata por contra nan. Panchito.“ 3. „Mientras tanto... Señor Rojo, trece e sheriff pa e hiba e presonan?“ „Ainda no, la-ga nan ey den un rato mas.“



# JUAN EL INTREPIDO

1. „Bo a tendemí, Rama... of be ta desisti na haci nos danjo of mi ta mata e muskita.“ 2. „Tur cos, menos esei. Bongo. Mi ta laga nan bai, si bo no mata e muskita ey.“ „O.K. nos libertad pa esun di e muskita.“ „Des-pues cu nos bai.“ 3. „Con porta, Bongo? Bo a prisiona un musca corriente.“ „Mas bien, extraordinario. Hazard. Lo mi splicabo ora nos bai caminda pa e ricu.“



# DICK TRACY

1. „Bala cu nan saka foi en-pa di sra. Spots. E testimonio di e lironan.“ 2. „Si, nos ta sigur di un cos — e terci-onan a hanta e arma — cu a mata sra. Spots.“ 3. „Nos a chek e revolver. Nan a jega di horte hopi anja pasa lei un polis.“ „Pakiko nan a hentele den e jerba?“ 4. „Laga nos bai cu un fotograaf na e park bieu ey pa nos laguele saka poco portret y tira un vista ey banda.“ Tracy a bisa: „E muchanan a bai foi e park. Spots. Nan no ta sospecha nada. Awor sinta y come algo... e frek-delman aki ta doeshi.“



# RIP KIRBY

1. „Glas kibra, ladron di prenda muribunda y nota se-creto, no ta facil pa mante-nen orden na cas di sr. Kir-by.“ 2. „Mihor e la manda anhi pa bai contra e persona-mi misterioso ey. Lo mi a troce su braza y entreguele na polis.“ 3. „Mi a puntra si e diario ta bisa con e tem-peratura na Bongok ta.“ „E elave ta e prome frase.“



# EL PRECIO DEL

1. „Jalo ta studiando e re-cord di Felix Bernard den e bebliblioteca di e presidio...“ „Kroll y e alcalde no a laga di contami algo di aki.“ 2. „Conque bo kier a sabi di Cuqui Kroll y Felix Bernard, no hoba?“ „No gree mira... solamente scucha.“ 3. „Ta manera tur a contado... cu un excepcion, cu Felix taba-tin un jiu muhor.“



# EL DIARIO DE UNA VIDA

1. „Eva a bisa pakiko e ta-bata kier e auto, papa?“ 2. „No, Julieta... pero mi a o-ta cu su actitud tabata stran-jo.“ 3. „Miguel, Miguel.“



# PEPITA

1. „Lo bo tabata kier a bai euni awenochi na un fiesta cu ta pa homber so?“ „Mi ta bai puntra mi senjora. Lo-renzo.“ 3. „Ta duél mi, pero e ji cu mi no tin gana di bai.“ 4. „...cu mi ta prefe-rra di keda cas y limpia e ga-rashi.“



# Grupo di artistanan Arubana lo propaganda turismo na Puerto Rico

ORANJESTAD — Cu avion di TCA lo sali majan mainta pa dies 'or y mei un delegacion di 15 persona cu lo haci un viahe cu e proposito pa na Pto. Rico haci e propagan-dan necesario pa haci nos isla mas conoci cerca e pobla-cion di e mencionado Antilla Grandi.

Senjor Hubert Booi, un di esnan cu ta bai un luchador incansable tras di e industria nobo aki, pa e ex-presele di e siguiente manera: „Ta tem-po cu henter e pueblo, y no gobiernu sol, mester cuminsa dion den e im-portante esfuerzo pa atrae turistan na nos isla.“ Cu esaki sigur e kier a meen riba e algo nobo e biala aki e gru-po di artistanan Arubano cual cu nan canto, baile y musica lo presenta na television, radio y hotelnan na Puerto Rico pa 7 dia largo. „Esaki ta e mas mihor propaganda cu un isla por haci riba tereno di turismo, esta di de-mostrar su costumbranan“ tabata otro expresion di sr. Booi.

Senjor Hubert Booi, un di esnan cu ta bai un luchador incansable tras di e industria nobo aki, pa e ex-presele di e siguiente manera: „Ta tem-po cu henter e pueblo, y no gobiernu sol, mester cuminsa dion den e im-portante esfuerzo pa atrae turistan na nos isla.“ Cu esaki sigur e kier a meen riba e algo nobo e biala aki e gru-po di artistanan Arubano cual cu nan canto, baile y musica lo presenta na television, radio y hotelnan na Puerto Rico pa 7 dia largo. „Esaki ta e mas mihor propaganda cu un isla por haci riba tereno di turismo, esta di de-mostrar su costumbranan“ tabata otro expresion di sr. Booi.

## Cooperacion gratis

Ademas di sr. Booi, representante di gobierno y sra. Nancy Lee Mac Eachern, coordinador, y promotor di Aruba Caribbean Hotel, kendenan cu nan discusionnan lo continua cu e propaganda turistica cu nan a prin-cipia durante di un viahe anterior, lo viaha tambe cu T.C.A., cual compa-ña a entrega ticketnan di viahe com-pletamente gratis, e siguiente perso-nan:

Miguel Pietersz na cabez di e gru-po di baile di 6 personas, a saber e danianan Andrea Maria Paula, Ana Johana Rodriguez y Regina Imelda Hernandez y e caballeronan Olivio Rudolfo Quilote, Romulo Federico Fingal y Alcides Valentino Quilote. Tambe ta bai sr. Louis C. de Palm na cabez di Trio Los Aventureros consistiendo di Martinez Dania, Dio-nisio Salsbach y Stanley Albertus. Na-turalmente na ocasionnan asina no por falta Juan Chabaya Lampe (Padu del Caribe), mientras cu sra. Cecil Ivonne Hengeveldt lo actua como cantante di e Grupo Artistico Aru-bano. Y por ultimo lo haci e viahe tambe, bon teni pa e artistanan, e casha di orgel cu wiri di sr. Cornes Noguera.

Toeristen Bureau, Aruba Con-vention Bureau, Aruba Caribbean Hotel, Compania di Avion T.C.A., Con-dado Beach Hotel y Ramey Air Force Base na Puerto Rico ta e instancian-nan cu a haci e viahe aki posibel. Aruba Caribbean Hotel ya ta tratando pa e delegacion hanta kambernan li-ber den Condado Beach Hotel, T.C.A. manera ya a worde menciona a per-cura pa pasashi liber, y Aruba Con-vention Bureau a contribui cu e su-manan necesario.

## Jen di optimismo

E delegacion ta viaha jen di op-timismo. Ya nan ta sigur cu prensa Portorikenja lo respaldanan mas tan-to posibel. Diferente stacionnan di te-levison a dunanan programa gratis y nan lo actua tambe den hotel y

## Nederlandsche Handel

## Maatschappij a informa

AMSTERDAM, 15 november. — Nederlandsche Handelsmaatschappij a informa e itur su establecimentunan na Indonesia a worde buta bao di domi-nio dje autoridatnan indones pa dia 21 di november. E no ta reconoce e validez dje medida aki. Pa e motibu ey el a suspende tur e volmachtan cu e N.V. a duna na Indonesia pa ne-gocia pa e N.V. y pa representante. For di december 1957 a worde reser-va contra tur e interesnan na Indone-sia no a worde usa pa financianz dje compania indones.

## Ehercito di

## reservistanan na

## Londen

LONDEN, 15 november. — E e-hercito territorial ingles, un ehercito di ajudo cu ta consisti di reservistan-nan, lo contene solamente 110.000 solda den futuro, pero lo e hanja armanan nobo ultramoderno cu lo au-menta su potencial defensivo y agre-sivo, asina a worde declara den un „Libro Blanco“ cu a worde publica na Londen awe mainta y den cual e reorganizacion dje ehercito terri-torial ingles ta worde discuti.

## Mocion di Cuba

## ofreci na Unesco

PARIS, 15 november. — Awe Cu-ba a ofrece e Asamblea General di Unesco un mocion den cual ta con-dena cada estado cu haci esfuerzo pa mele den e asuntonan interno di un pais, pa motibu di diferencianan economico, social y cultural, pasobra esey ta un violacion dje derechonan, cu a worde determina pa e Asamble General di Nacionnan Uni y di Unesco, cual organizacion ta subordina na Nacionnan Uni. E presidente dje comision ejecutivo, Ben Bowen Tho-mas, a declara awe durante presen-tacion dje mocion cubano, cu e secre-tariado dje conferencia lo diendi si e mocion lo worde discuti awor, pas-obra e no a worde presenta durante e plazo di tempo cu a worde determina di antemano.

## Informacion di gobierno

## di Guatemala

## CIUDAD DI GUATEMALA, 15

november. — Gobierno di Guatema-la a informa, cu lo e presenta un ke-fo contra Cuba cerca e roganizacion di estadonan mericano. E ta conside-ya Cuba como un conspirador den e rebelion na varios parti di Guatema-la.

Ajer nochi e trupanen di gobier-no a recupera ciudad Zacapa, un base militar importante cerca e fron-tera entre Guemaluy Honduras, cual ciudad e rebeldenan tabatin.

**Petrona & Croes**  
Dakota - Tel. 1712-1639  
PA TRABA PLAN DI  
CONSTRUCCION, BISTEK  
Y BEGROTING

**STOP ASTHMA**  
**SLEEP LIKE A BABY**  
If you cough, wheeze, can't breathe or sleep well due to Asthma, Catarrh or Bronchitis attacks, get MENDACO from your chemist or store today. MENDACO works through the blood and bronchial tubes to dissolve and remove offending phlegm congestion. Then your cough is curbed, you can breathe freely, sleep like a baby, and regain natural energy. Satisfaction or money back is guaranteed.

## HOROSCOOP

di awe

ARIESNAN

11 Maart — 21 April

Cooperacion ta pone bo na estado di promove den asuntonan actual. Haci bo best.

TAURISNAN

21 April — 21 Mei

Un aspecto favorable ta priminti chensnan pa moderniza bo metodonan di trabao.

GERMINANAN

22 Mei — 21 Juni

Probablemente awe bo tin mas suerte den loque bo ta haci, mes-cos cu den otro cosnan.

CANCERNAN

22 Juni — 23 Juli

Ta presenta e ocasion pa bo haci arreglonan conviniente y un base pa felicidad.

LEONAN

24 Juli — 23 Augustu

Bo ta awor mehor na estado di bini na decisionnan mas objetivo den casonan interesante.

VIRGONAN

24 Augustu — 23 Septembe

Bo ta hanja bo awor den un mehor posicion pa pone tino riba a-suntonan di con-fianza.

LIBRANAN

24 Septembe — 23 October

Contacto cu a-migunan y yu-danza inespera por yuda bo riba caminda di un mehor programa.

SCORPIONAN

24 October — 22 November

Den curso di a-tardi bo por han-ja un salida foi un difficultad di promove den bo puesto.

SAGITARIUSNAN

23 November — 21 December

Bo dia di awe por bira intere-sante, pasobra bo ta mas cerca di realiza bo desco-nan.

CAPRICORNUSNAN

22 December — 20 Januari

Bishita persona-nan cu ta den un posicion na nan por yuda bo den bo ambicionnan.

ACUARIUSNAN

21 Januari — 19 Februari

Noticianan en-trante por pone bo bijs cambia, studia tu, propo-sicionnan di a-we bon.

PISCES

20 Februari — 20 Maart

Tira bista riba con-tacionan y posibildadnan pa drecha bo en-tradanan finan-ciera.

## Dennis, de schrik van de buurt!

„Wat zeg je? Of ik op je feestje kom?“  
Natuurlijk! Maar ..... eh ..... wie ben je?“  
„Qui bo di? Cu mi ta bini bo fiesta?“  
Naturalmente, pero ..... tende ..... ta quende bo ta?“